

Tratamentu AC



Adriamycine/Cyclofosfamide



FUNDASHON MARIADAL

Introdukshon

Den konsulta ku bo spesialisista bo a disidí ku pronto bo ta laga nan trata bo ku 'cytostatica' (kimoterapia). E tratamentu aki ta enserá ku durante un periodo mas largu bo ta sigui un tratamentu ku remedinan ku ta frena e divishon di sélula.

Ya komo bo ta risibí hopi informashon, no ta fásil pa kòrda tur kos den un bia. P'esei a skibi e informashon aki, di manera ku bo por bolbe lesa tur kos trankil na kas.



Kon ta suministrá remedinan i ku ki frekuensia?

Un bia den kada tres siman bo ta bin e hospital. Bo ta haña e cytostatica suministrá via di un infuus den bo brasa. Ta suministrá kada remedi separá. Despues ta spula i limpia e sistema di infuus ku un líkido di infuus neutral. E durashon total di e infuus di remedinan i líkido di infuus ta alrededor di un ora i mei te 2 ora.

Ku kua efektonan sekundario mi mester tene kuenta kuné?

Si bo tin molèster di efektonan sekundario, pone e enfermero na altura di esaki durante e siguiente tratamentu. Posiblemente por hasi algu al respekto.

Den kaso ku bo tin pregunta i/òf kehonan, bo por tuma kontakto ku e enfermera di onkologia. Alkansabel durante dia/ orario di ofisina riba e number: 780 0493

Posibel efektonan sekundario

- **Influensia riba e tutu di wesu**

E kimoterapia tin influensia riba e sélulanan di e tutu di wesu; mas òf ménos un siman despues di e tratamentu e sélulanan kòrá i blanku i plaketanan di sanger ta mustra un disminushon den e sanger. Kada un òf 2 dia promé ku e siguiente tratamentu ta kontrolá bo sanger pa wak si e disminushon aki a rekuperá.
- **Walmentu di stoma i sakamentu**

E keho aki por presentá su mes den un grado menor òf mayor, asina tambe respumentu. Pa limitá esaki mas tantu ku ta posibel, bo ta haña e remedi dexamethason den e infuus promé ku e 'cytostatica'. Den e anekso di e foyeto aki bo ta haña e skema di uso di e remedinan kontra di e walmentu di stoma despues di kada tratamentu.
- **Kaida di kabei**

Despues di mas o ménos 14 dia lo bo pèrdè kasi tur bo kabeinan. Por lo general wènkrou i kabei di wowo si ta keda konservá.
Nos por rekomendá un pelukera pa peluka. Ta kompensá peluka.
- **Iritashon di e tehido di sleim oral**

Tin bia e tratamentu ta okashoná iritashon di e tehido di sleim oral. Un bon kuido oral ta importante.



- **Iritashon di e blas**
Bo por sinti un kimamentu ora bo ta oriná.
Bebe suficiente líkido ta yuda prevení iritashon di e blas (un mínimo di 2 liter pa dia).
- **Kolorashon kòrá di orina i vògt di wowo**
E kimoterapia por okashoná kolorashon kòrá di e orina i vògt di wowo e promé dos dianan despues di e tratamentu.
- **Kansansio**
Ta posibel ku bo ta ripará ku komo konsekuensia di e tratamentu, bo tin ménos energia.
- **Doló den e brasa ku ta pasa infuus**
E kimoterapia tin un efeko iritante riba e bandanan di arteria. Komo konsekuensia di esaki bo por haña ku den e brasa ku ta pasa e infuus bo ardu nan ta hasi doló. En prinsipio por hasi masha tiki na esaki i e problema adishonal aki – lòs di e doló – no tin mas konsekuensia. Den kaso ku e brasa ta kòrá, hinchá i ta sinti kayente tambe, ta rekomendabel pa tuma kontakto.

- **Konstipashon**
Dor ku e sélulanan di e tehido di sleim di e tripa diki por iritá, por surgi konstipashon. Banda di esaki e remedi “Ondansetron” tin konstipashon komo efekto sekundario.
Keda bebe suficiente ta yuda prevení konstipashon.
- **Menstruashon**
Un tratamentu di kimoterapia den hopi kaso tin influensia riba e menstruashon. Esaki por varia di “bula un menstruashon un bia” te ku e menstruashon ta stòp kompletamente i por bai kompañá ku kehonan di menopousa. Tin bia e kehonan di pèrdida di sanger ta bira pió durante menstruashon.

Tin algun motibu pa yama e enfermera/especialista di onkologia òf e hospital mesora. Pa esaki lesa e formulario “Motibunan pa yama e enfermera di onkologia/dòkter”.

Pregunta?



Den kaso ku bo tin mas pregunta tokante e foyeto “Kimoterapia” bo por tuma kontakto ku e enfermera di onkologia riba dlanan di trabou i durante orario di ofisina riba e number di telefòn: 780 0493.

Skema di uso di e tablèt nan kontra di walmentu di stoma

Orario di dia	Dia 1						Dia 2						Dia 3						Dia 4						Dia 5							
	8h		12		20		8h		12		20		8h		12		20		8h		12		20		8h		12		20			
Kontra di walmentu di stoma	Granisetron tabl. di 1 mg.		1				1		1		1		1		1		1		1		1		1		1		1		1			
	Primperan tabl. di 10 mg.		1				1		1		1		1		1		1		1		1		1		1		1		1		1	
Kimoterapia	Doxorubicine (Adriamycine)																															
	Cyclofosfamide (Endoxan)																															

Berde = Tuma tablèt
 Blanku = Si ta nesesario tuma tablèt den kaso di walmentu di stoma.



FUNDASHON **M**ARIADAL

Publikashon 12-2022